

CORDIER (Durand I), notaire de Bruniquel, minutes 1588-1590, f° & ss., Archives départementales de Tarn-et-Garonne, cote 5 E 24443, dévolution de la cote 3 E 19/2 des Archives départementales du Tarn, le 18 octobre 2012, COM/CC/20240831.

Testement de maffre gandilh
marchant

Au nom de dieu soict scaichent toutz presentz
et adveni que l **an mil cinq cens quatre vingtz
dix** et le **premier** jour du mois de **fevrier** a
bruniq(ue)l en quercy dans la **maison du testat(eur)**
bas nomme avant midy regnant n(ot)re souverain
prince henry par la grace de dieu roy de
france et de navarre en presence de moy
not(air)e et des tesmoings bas nommes
estably en sa [per]sonne **maffre gandilh march[and]**
dud(it) bruniq(ue)l habitant lequel gisant dans
son lict dettenu de certaine maladie corporelle
bien parlant oyant voyant et [par]faictement
cognoissant n()estre rien plus certain que
la mort et que l()heure d()icelle est incertaine
pour garder ses heritiers de proces et different
a faict son dernier nuncupatif et vallable
testement sa derniere nuncupative et valable
vollonte et dispose de ses biens en la forme
et maniere que s()ensuict premierement a
recommande son ame et corps a dieu
le createur le priant au nom et [par] le

.....
[...]*xxxiiii* (Illisible sur la photographie numérique de l'acte)

meritte de la mort et passion de son bien
ayme filz n(ot)re seig(neu)r jesus christ luy [par]donner
ses faultes et peches et luy faisant
misericorde quant il luy plaira la separer
de son corps la recepvoir en son royaulme
celeste vo(u)llant apres la separa(ti)on de sond(it)
corps et ame que sondict corps soict ensepvely
a _____ de la present ville de
bruniq(ue)l au tumbau de ses predecess(e)urs item
donne et legue aux povres de dieu de la
presant ville la quantitte de trois cestiers
froment mesure de bruniq(ue)l une pipe vin
bon et pur po(ur) estre distribue [par] les tut(e)urs
de ses heritiers bas nommes dans l()an de
son deces et avec ce les a faictz ses
heritiers [par]ticuliers et que ne puissent rien
plus demander en ses biens item donne et
legue a **martre**]a[]~~martre~~[**guarrigues femme de
bernard reguailh**]pø(ur)[et fille de **douce gasque
sa femme**]t[po(ur) les services agreables qu()elle

luy a faictz la somme de vingt livres t(ournoi)z payables
dans l()an de son deces et avec ce l()a faicte
son heritiere [par]ticulliere et que ne puisse rien
plus demander en ses biens item donne et
legue a **marye de guandilh filhe a**

.....
feu gandilh tornier la somme de
vingt livres t(ournoi)z payables une fois [par] sondict
heritier dans l()an apres son deces et avec
ce l()a faicte son herit(iere) [par]ticuliere et que
ne puisse rien plus demander en ses biens
item donne et legue a **jeanne sarralliere sa
cousine et fileulle** une piece de terre assize
au **terroir de la font d()alary** juridi(cti)on de
bruniq(ue)l qu()il a acquise de **maffre bessiere de
gerauld son beau fre(re)** laquelle piece venant
que led(it) bessiere la volust recouvrer dans
l()an de son deces sera tenu payer a lad(ite)
saralliere la somme de quarante livres t(ournoi)z dans
l()an apres son deces qu()il luy legue au lieu
de lad(ite) piece]item[et avec ce l()a faict
son heritiere [par]ticulliere et que ne puisse
rien plus demander en ses biens item donne
et legue a ch(ac)uns de ses au(tr)es fileulz
quelz que soinct povres ou riches a ch(ac)un d()eulz
la somme d()ung escu sol payable dans l()an
de son deces et avec ce les]fait[a faictz
ses heritiers particuliers et que ne puissent
rien plus demander en ses biens item
donne et legue a **pierre gandilh casquet
son oncle** la somme de vingt livres t(ournoi)z payables

.....
[...]xxxv

une fois [par] sond(i)t heritier bas nomme
ou tut(e)urs d()icell(ui) et outre ce luy co(n)stitue
()annuelle pantion ung cest(ier) bled froment
et ung cestier segle ou palmolle payable
chasque annee tant qu()il vivra et avec
ce l()a faict son heritier [par]ticullier et
que ne puisse rien plus demander en ses
biens item donne et legue a **marie de
guandilh filhe dud(it) pierre sa fileule et co(u)sine
germaine** la somme de dix escus sol valhant
trente livres t(ournoi)z payables quant se mariera
[par] sond(i)t heritier et avec ce l()a faicte son
heritiere [par]ticuliere et que ne puisse
rien plus demander en ses biens

item donne et legue a **marg(ueri)te gandilhe**
sa s(o)eur femme dud(it) **maffre bessiere de**
gerauld toutes les pieces qu()il a acquises dud(it)
bessiere son mary ^° ou y()a pacte de rachapt
#° reserve la piece de la font sus leguee a
lad(ite) saralliere sa filheulle lesquelles veult
que ne puisse donner a son mary pendant
sa vye ny apres son deces mais que au(tr)ement
en puisse fere a ses plaisirs et vollontes
item donne et legue a **au(tr)e marg(ueri)te gandilhe**

^° assizes aud(it) lieu d()alary

#° ou l()argent qu()est sur lesd(it)es pieces

.....

sa s(o)eur femme de jacme bonne calbery
ung chenevier assiz a **tarteguie** qu()il a
acquis dud(it) bessiere son beau fre(re) po(ur)
d()icell(ui) fere a ses plaisirs et vollontes
et avec ce a fait cesd(ite)s s(o)eurs ses
heritieres [par]ticulieres et que ne puissent
rien plus demander en ses iens item
donne et legue a **pierre guandilh dict**
pierre petit habitant de th(ou)l(ous)e **son oncle**
quatre retz sive filletz de cailhes payes
dans l()an de son deces et avec ce
l()a fait son heritier [par]ticulier et que
ne puisse rien plus demander en ses
biens item donne et legue a **douce**
guasque sa femme et expo(u)se legitime
unne meterye assize au terroir de lad(ite)
places du **bois du roy** acquise de dejean
de th(ou)l(ous)e ~~ensemble~~ avec ses membres et
deppandances ensemble ce qu()il a acquis
despuis en lad(ite) metterye po(ur) icelle jouyr
et posseder et fere a ses plaisirs et
vollonte tant en la vye qu()en la mort
a charge qu()elle vive honnestement et
viduellem(ent) et au cas qu()elle se remariroyt
veult que lad(ite) mettterye reto(u)rne a
son heritier bas nomme luy leguant

.....

[...]xxxvi

la somme de cinq soulz seullem(ent)
item donne et legue a sad(ite) femme ma
dem(e)ure et habita(ti)on a la maison ou il
est po(ur) y dem(e)urer avec son heritier tant
qu()elle vivra viduellem(ent) avec de m(e)ubles po(ur)

son usatge et service sans que sond(it) herit(ier)
la puisse tirer de sad(ite) maison et avec
ce l()a faicte son heritiere [paer]ticulliere et
que ne puisse rien plus demander en ses
biens item donne et legue a **marie de
gandilh sa filhe** legitime et naturelle
po(ur) tout droit d()institu(ti)on part et hereditaire
portion qu()elle po(u)rroit avoir en ses biens la
somme de huict cens livres t(ournoi)z revenantz
a deux cens soixante six esculz sol deux
tiers payables le jour des nobces cinq
cens livres t(ournoi)z et les cent esculz restantz
cinq(uan)te livres chasque an a la feste de la
chandeleuse l()une paye n()accumullant l()au(tr)e
sans precedante requi(siti)on item luy donne
et legue deux robes l()une dessus et l()au(tr)e
dessoubz drap de paris ou serge guarnies
de vellours ou passeman de soye comme
sera advise [par] sond(it) heritier ou tut(e)urs d()icell(u)y
suivant la quallitte du mary qu()elle trouvera
item luy donne et legue ung licet garny

.....

de coette et coyssin plains de plume unne
couverte de laine blanche ou verte et
six linceulz de toille de brin le tout
payable le jour de ses nobces et avec
ce l()a faicte son heritiere]par[ticulliere et
que ne puisse rien plus demander en ses
biens item donne et legue a **ysabeau
de guandilh aussy sa filhe** legitime et narurelle
po(ur) semblable droict d()institu(ti)on [par]t et heredi[aire]
protion qu()elle pourroit avoir en ses biens
semblable somme de deux cens soixante
six six (*sic*) escus sol deux tiers faisantz huict
cens livres t(ournoi)z payable la somme de cinq
cens livres le jour de ses nobces et des
cent escus restantz cinq(uan)te livres toutz les
ans a la feste de la chandeleuse jusques
a fin de paye l()une n()accumullant l()au(tr)e
sans precedente requi(siti)on item luy donne
et legue deux robes l()une dessus et l()au(tr)e
dessoubz drap de paris ou sarge guarnyes
de vellours ou passeman de soye comme
selles de sa s(o)eur contenues au leguat sus escript
ensemble mesme licet couverte et linceulz
que a sad(ite) s(o)eur payables le jour de ses
nobces item donne et legue a **anthoine
guandilh son filz** legitime et naturel

.....

[...]xxxvii

po(ur) semblable droict d()heritaige et portion qu()il
pourroict avoir en ses biens **les metteries
de la palme et de la guarrigue** membres
et deppandances d()icelles item deux vignes
assizes au **terroir de roze** qu()il a acquises
de pierre delmas *frayret* item au(tr)e vigne
alz pendens qu()il a acquise de jean cappelle
au devant **le maseadge de paissel** item
au(tr)es deux vignes assizes au terroir de noble
item unne maison assize en()la presant ville
que confron(te) avec treilh de holivier molinier
maison de bernard *rijan* et deux rues
publicques item ung lict guarny avec
six linceulz comme l()une des filles vo(u)llant
que led(it) anthoine soit entretenu a la
maison]~~tant~~[]~~que~~[de son heritier tant qu()il
sera petit et apres a l()escolle tenu vestu
et chausse aux despens de son heritier
bas nomme jusques a l()eadge de dix huict
ans a charge que sondict heritier prendra
les fruitctz du bien de sond(it) fre(re)]~~quy~~[]~~voudra~~[
desquelz ne sera commptable et ayant
led(it) anthoine attainct led(it) eadge son dict
heritier luy laissera lesd(it) bien et es
remettra en ses mains luy guaranssant

.....

lesd(ites) metteryes de trois peres de b(o)eufs
ou vaches po(ur) labo(u)rer quatre vingtz brebis
et deux truyes et avec ce a faict led(it)
anthoine son heritier]~~par~~[ticullier et que
ne puisse rien plus demander en ses biens
et pource que le fondement de tout bon
et valable testament est la co(n)stitu(ti)on
d heritier led(it) testateur a faict institue
et de sa propre bouche son heritier universsel
et general en toutz et ch(ac)uns ses au(tr)es biens
droictz voix et actions que luy a]par]tiennent
ou que po(u)rroinct a]par]tenir scavoir est
maffre guandilh son filz aisne legitime et naturel
et pour d iceulx biens fere et disposer a ses
vollontes tant en la vye qu()en la mort
et venant le cas que son heritier vinct a
mourir sans fruit de son legitime mariadge
ou que n()eust moyen fere testament estant
en bas eadge substitue led(it) anthoine
en seul aud(it) heritage et sy led(it) anthoine
mouroict aussy sans fruit de son legitime

mariatge ou en bas eadge sans pouvoir
tester substitue led(it) maffre et sy toutz
deux mouroinct substitue lesd(ites) marye
et ysabeau ses filhes et sy a tout la
derniere survivante mourait les au(tr)es sans

.....
[...]xxxviii

fruit ou sans tester et sy l()une desd(ite)s
filhes mouroict substitue l()au(tr)e avec
ses fre(re)s [par] esgalles portions et sy
toutes deux mouroinct sans anfans et
sans tester comme dict est substitue
sesd(it)s anfans [par] esgualles portions et
de tant que cesd(it)s anfans sont en bas
eadge n()ayant moyen s()entretenir d()eulx
mesmes co(n)stitue po(ur) les regir et gouverner
eulx et leurs biens ^° vivant viduellem(en)t comme
dessus est dict sans se remarier en
estat et charge de tutrice luy balliant
po(ur) adjointz en lad(ite) charge m(aîtr)e **jean
dumas notere royal et consul dud(it)
bruniq(ue)l et anthoine delcayre merchant**
qu()il noume et co(n)stitue aussy tuteurs
lequel dumas veult et entend que tienne
ses libres (*lire : livres*) de deptes po(ur) iceulx deptes lever
et reculhir et des den(iers) payer ses leguatz
dessus faictz et au(tr)ement les employer
au profict de sondict heritier comme [par] luy
sad(ite) femme et delcayre sera advise et
cecy a vo(u)llu estre son dernier nuncupatif et
vallable testament sa derniere nuncupative
et valable vollonte cassant revocquant
et annullant toutz au(tr)es testementz qu()il
^° lad(ite) douce guasque sa femme

.....
pourroict avoir faictz vo(u)llant que le present
ayt valleur et efficie par testament
codicille ou donna(ti)on faicte a cause de
mort et a pryés les tesmoings qu()il a
connus et nommes l()ung apres l()au(tr)e
luy porter tesmo(i)gnage de sond(it) testement
que sont

Ndr. L'acte s'arrête là. Il n'est suivi d'aucune signature.